



Anthon Frederiksen  
Inatsisartuni ilaasortaq

Ugguuna nassiunneqartog:

**Inatsisartut suleriaasianni § 37 naapertorlugu apeqquteqaammut nr. 40-mut Kalaallit Nunaata Ammerivianut puisit ameeruteqartarneq pillugu akissut.**

17-02-2016  
Sags nr. 2016 - 2439

Inatsisartut suleriaasianni § 37, imm. 1 naapertorlugu Naalakkersuisunut apeqquteqaateqarsimavutit, Kalaallit Nunaata Ammeriviata A/S-ip aamma Namminersorlutik Oqartussat akornanni kiffartuussinermit isumaqatigiissut pillugu. Apeqquteqaatitit uanga suliaasaqarfinnut akisassanngorlugit innersuunneqarsimapput.

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanaq.gl  
www.nanaq.gl

**1. Puisit amii ammerivimmi Great Greenland-imi uninngaannartut nunatta sinneranut iluaqutaaneruleqqullugit akikitsumik tuniniarneqarsinnaanerat Naalakkersuisut qanoq isumaqarfigaat?**

Akissut:

Kalaallit Nunaata Ammeriviani uteqqiasumik aningaasarsiornikkut ajornartorsiutaasut pisariaqartilersimavaat iliuusissatut pilersaarummik suliaqartoqarnissaa, nunatsinni amernit nioqqutissianik suliaqarnermik ingerlatsinermit tunngaviusunik nukittorsaasoqarnissaa siunertaralugu.

Erseqqissarneqassaaq suliniutissat ilaat piffissamut qaninnerusumut sammisuummata, ilaallu allat ungasinnerusumut sammisuullutik. Piffissamut ungasinnerusumut sammisumik suliaasat siunertaqarput aningaasanik kaaviiarti-tsinerup sinneqartooruteqartarnerullu annertusarnissaanik, niuernermit ussa-saarisarnermilu suliniutit assigiinngitsut aqutugalugit. Suliniutit ilaat ussassa-arisarnermut Aasiami nunanut, Syd-korea-mut, Japan-imut aamma Kina-mut sammititaapput; niuerfissat nutaat aamma tuniniaasartut nutaat, Kopenhagen Fur-ip avataatigut; piujuaannartitsinermit tunngaveqartumik ingerlatsisoqar-neranut uppersaammik allagartaliisalernissamik suliniut, kattuffiit tama-tumani susassaqtartut naleqquttut suleqatigalugit ingerlanneqartussaq, niuer-finnik ajunngitsumik isiginnittumik sunniisinnaanermik siunertaqtartut Europa-mi aamma USA-mi. Tamatuma saniatigut Naalakkersuisut aallartissavaat Nunavut-mi niuernikkut periarfissanik misissuineq. Immikkut isiginiagaasoq alla tassaavoq nioqqutissiat qanoq ittut nioqqutigineqartarnerat, tamatumani-lu minnerunngitsumik tammajuitsussanik nioqquteqartarnerup annertusarneqar-nissaa. Siunertat taakkua tamarmik siunnerfeqarput amernit nioqqutissiat piumaneqassusaannik annertussaaniarnermik, aamma ammit akii eqqarsaati-galugit. Anguniagaasoq tassaavoq ukiuni amerlasuuni pitsaanngitsumik inger-lasoqarnerata mumisinnissaa. Ungasinnerusumut suliniutaasut iluatissinnaas-sappata tamanna nunaqarfinni isorliunerusunilu aningaasarsiornikkut isaatitsi-

nermut pitsaasumik sunniuteqassaaq. Naalakkersuisut tamatuma saniatigut Kalaallit Nunaata Ammerivia kaammattorniarpaaq nunatta iluani niuernerup pitsanngorsarnissaanik nukittorsaaviginissaanillu suliaqassasoq.

Amerlasuutigut imaattarpoq ingerlaaseq pitsaangitsoq ilorraap tungaanut allanngortinniarlugu sulineq piffissamik sivisuumik atuiffiusariaqartarmat. Taa-maattumik pingaaruteqarpoq Kalaallit Nunaata Ammeriviata akiliisinnajun-naarsinnaanera pinngitsoorniarlugu piffissaq qaninnerusoq isigalugu aningaa-sartuutitik annikillilerisoqartariaqartarmat. Aningaasartuutit annikinneruler-sinniarlugit suliniutit ilaat aallaavittut piffissami killilikkamik ingerlanneqassap-put, - aningaasaqarnerup aqunneqarsinnaalernissaanut. Naalakkersuisut Kalaal-lit Nunaata Ammerivia kaammattorniarpaaq Norge-mi aamma Canada-mi isumassarsioqqullugu, suliaqarfiup matuma ineriartortsinnissaanut.

Piffissamat qaninnerusumut suliniutit imatut aaqqissuunneqarput sapinngisa-mik piniartut isertitassaannik aalajangiusimanniffiusumik. Assersuutitut oqaa-tigineqassaaq piniartut aataat amiinit natserillu amiinit isaatitsisarnerat aalajangiusimaneqarmat, naak ingerlatseqatigiiffik 2015-ip qiteqqunnerani natsiit amiinik 95.000 -inik toqqorsivimmi uninngasuuteqaraluartoq, ukiuni arfinilinni tunisaasartut amerlaqataannik.

Inuussutissarsiutigalugu piniartut tamarmik sulii amernik tunisisinaapput, taa-maattoq piunasaqaataavoq inuussutissarsiutigalugu piniartut nutaat minner-paamik 2016-imi 4000 kr.-it nalinginut ameeruteqarsimassasut, tunisiner-mut tapiissutitik akilerneqarsinnaajumallutik. Naalakkersuisut sulissutigaaq killiler-suinerit allanngortinnissaat.

Naleqqussaannerit allat eqqarsaatigalugit tamakkua aaqqissuussaapput sapin-ngisamik piniartunik annikinnerpaamik eqquisussatut.

Naalakkersuisut sapaatip akunnerani uani suliniutitik naleqqussaanaissaq sam-mivaat, pilersaarummi equngassutaasannaasut aaqqiiviginnaajumallugit. Aaq-qiissutissatut periarfissat pisariaqartippaat ilassutitut aningaasaliisoqarnissaa, tamatuminnгалu tunngaveqartumik sularineqarsinnaalluni. Inatsisartut Aningaasaqarnermut Akileraartarnermullu Ataatsimiititaliaat piaarnerpaamik ilassutitut aningaasaliissutissanik qinnuteqarfigineqassaaq.

## **2. Ammeriviup puisit amiinik eqqaaginnalersimanera Naalakkersuisunit qanoq iliuseqarfigineqarpa?**

### Akissut:

Innersuutissavara Naalakkersuisut suliniutit malitseqartittussaammattigit equ-ngassutaasannaasut aaqqiiviginiarlugit. Naalakkersuisut misissugaasa maanna ilagaat natsiit amiinik suliaqqiisarneq qularnaarsinnaaneripput, aammalu 4.000 kr.-it nalinginut tunisereersimanissamat killiliussa-q atorunnaarsissinnaa-neripput.

**3. Piniartut ameerutiminnik ingerlaannartumik akissarsisinnaajunnaarnerat Naalackersuisunit qanoq iliuuseqarfigineqarpa?**

Akissut:

Apeqqummut siullermut akissut inussiarnersumik takoqquneqarpoq.

Inussiarnersumik inuulluaqqusillunga

Med venlig hilsen

 Vito Qajaqitsou